

Injiil bi ngir Xale yi

Kii di ko xamlé

Màggal bu ñjökk bu bësu mucc ga



Ki ko bind: Edward Hughes
Ku def illustration bi: Janie Forest

Ki ko tekki: Christian Lingua
Ki def adaptation bi: Lyn Doerksen

Nettali 54 ci 60


www.M1914.org

Bible for Children, PO Box 3, Winnipeg, MB R3C 2G1 Canada


Licence: am nga sañ sañu kopié walla it imprimé
teere bi ci bu nekké ni do ko jaay.

Wolof

Soxna si taxaw ci booru
tund gi, ay gëtëm yu tiis
nee jaak xew xew gu
meeti. Doomam bu
góor mungui doon
dee. Yaay ji moo
nekkoon Maryaama,
mu taxaw ci wétu
bërëp bu nga
xam ne fa
lañu daajoon
Yeesu ci
benn bant.



1




Naka la lii yepp xeewee?
Naka la Yeesu jeexaalee
ap dund gu rafeetee nii
ci faan bu ñaaw? Naka la
Yàlla mënee
baayi ñu daaj
doomam ay
pontu ci bant
bi mu dee fa?
Ndax Yeesu dafa
juumoon ci ku mu
nekkoon? Ndax
Yàlla dafa ñaak?

2



Deedeet! Yàlla ñaakul. Yeesu defulwoon benn ñjuumte. Yeesu dafa mēsoona xam ni ay nit yu bon dinañ ko rey. Ba Yeesu nekkoon liir sax amoon na ap maaget bu tudu Simeyon bu waxoon Maryaama ni tiis mungui teggu ci kanam.

3



Ay fan balaa ñuy rey Yeesu, benn jigéen ñew tuur latkoloñ bu xeeñ neex ci ay tankam. Taalibe yi mer di naan: "mungui yaak xalis". Yeesu tontu leen ne: "Dafa def jëf ju baax" te "Def na ko ngir bu ñu may suul." Lii ci ay kaddu yu yeeme!

4

Ba lii ame, Yuuda benn ci fukk ak ñaari taalibe Yeesu yi nangu wor Yeesu ca kanamu sarxalkat yu magg ya ci ñjeegu 30 estateer.



5



Ca bës bu Yawut ya di mąggale bësü mucc ga, Yeesu am reer bu mujj bi ak ay taalibeem. Mu wax leen ay mbir yu yeeme ci Yàlla ak Ay diggeem ngir ñu Ko bëgg. Noonu Yeesu jox leen mburu ak benn Kaas ngir ñu seedoo ko. Lii doon na ngir faatëli leen ni yaramu Yeesu ak dereetam joxe na ñu ko ngir bale bàkkaar yi.

6

Yeesu dooli ci wax ay xaaritam ni dinañ ko wor, te dina ñu daw baayi ko. Wante Piyeer ne ko: "Man du ma la baayi", Yeesu tontu ko ne: "bala ginaar a sab, dinga ma weddi ñetti yoon."



7



Waxtu bu sori ci guddi googu, Yeesu dem ca toolub Setsemame ngir ñaan. Taalibe yu nekkoon ak Moom jaarefa nelaw. Yeesu di ñaan naan: "Sama Baay, bu fekkee ne kaasu naqar bii manu maa teggi te naanuma ko, kon na sa coobare am."


8

Ci saas ya ab mbooloo mu bëri bu Yuuda jiite aksi ci tool gi. Yeesu jeenguwul, wante Piyeer dagg noppu kenn ci mbooloo mi. Ci saas yi, Yeesu laal noppu waaji faj ko. Yeesu xamoon na ni nu ñu ko jàppe bokkoon na ci bëgg bëggu Yàlla.



9

Mbooloo mi yobbu Yeesu ci kërub sarxalkat bu mag bi. Foofu ñjiitu Yawut yi ne ni Yeesu dafa wara dee. Piyeer mungui taxawoon ci wëtu xalu surge yi di seetaan.



10

Ñeeti yoon nit yi xool Piyeer ne ko, "Yow nekkoon nga ak Yeesu!" Ñeeti yoon mu weddi ko, ni ko Yeesu waxe woon. Piyeer dem na sax bay giiñ ak a waat.



11


Ko-Ko-ri-ko

Ci saas yi, ginaar gi sab. Mu mel ni baatu Yàlla ngir Piyeer. Di ko faatëli kaddu Yeesu yi, noonu Piyeer jooy ndax nakar.




12

Yuuda itam rëccuwoon na lu mu defoon. Ndaxte xamoon na ni Yeesu defulwoon lenn ci lu ñu ko doon jiiñ mu di bàkkaar walla tooñ. Yuuda jëlaat 30 estateer yi delloo leen, wante sarxalkat yi bañ ko jël.




13

Yuuda sandi xalis bi ci suuf, genn- takk buum ci baatam xaru.



14



Sarxalkat yi indi Yeesu ci kanamu Pilaat, boroom réew muy téewal Room. Pilaat ne: "Gissu ma benn tooñ bu nit kii def."
Wante mbooloo mi wëy di yuuxu "Daaj ko ci bant! Daaj ko ci bant!"


15

Pilaat mujje xaadi, ne ñu daaj Yeesu ci bant bi. Xarekat yi door Yeesu, tufla ko ci kanam, door ko it ay yar. Ñu ràbb °kaalag dég, teg ko ci boppam. Tegg ci ñu daaj Ko ci bant bi ngir mu dee.



16

Yeesu xamoon na nii la waroona deewee. Xamoon na itam ni deewam dina indi ñu baal bàkkaarkat yii ko woolu seeniy bàkkaar. Booba it ñu daajaale ak moom ñaari taskati réew ma. Kenn ki gëm ci Yeesu-te dem ajjana. Kenneen ki deet.




17

Ba ay waxtu meetit jaalee, Yeesu yuuxu ne "Jeex na" mu dee. Ay jëfëm mat. Ay xarit suul ko ci bàmmeeel bu bees bu kenn deferaloon boppam.



18

Ay xarekatu Room tejj bàmmeeel bi te di ko wottu. Leegui kenn mënuta wona dugg ci biir-walla genn sax.



19

Bu de ni lii moo waaroona nekk mujjuté nettali bi, kon dina tiis lool. Wante Yàlla def lu yeeme. Yeesu yeemul ci dee!



20

Fajaar teel ci bës bu ñjèkk
ci ayu-bés, yeene ci taalibe
Yeesu yi gis ni doj bi
teejoon bàmmee bi
dafa deñoon. Ba
ñu xoolle ci biir,
Yeesu nekkatu
fa woon.



21

Been jigéen des ci wëtu bàmmee bi
bi di jooy. Yeesu feeñu ko! Mu
daw gaaw ak mbeggté waxiko
yeeneen taalibe yi. "YEESU
MUNGUI DUND! YEESU
DEKKI NA CA ÑA DEE ÑA!"



22

Ci lu gaaw Yeesu ñëw ci taalibe yi, mu won
leen fu ñu daajoon pontu yi ci ay loxoom.
Dëgg la woon. YEESU MUNGUI DOON
DUNDAAT! Mu baal Piyeer ndax lu mu ko
woreewoon, noonu mu sant ay taalibeem ñu
xamle ko feep. Noonu mu deluwat ci kaw
Asamaan fu mu joggéewoon.

Màggal bu ñjèkk bu bësü mucc ga

Nettali bu joggé ci Kàddu Yàlla gi, Injiil bi,

Gis nañu ko ci

Macë 26-28, Luug 22-24,
Yowaana 13-21

"Sa pirim Kàddu day leeral."
Sabóor 119:130

